

五古

七古

石洲集  
春



注意

石州集 四冊

康熙十三年（即十五年）板

高等法院





居平遇余輒言



洲權汝章未嘗不相對一涕辛

未冬

出按湖南節將行過

余曰石洲骨已朽矣唯其不朽  
之大業尚有若干篇其又可朽  
耶已屬完山尹洪汝時謀入梓



石洲平生自謂相公知己非相  
公莫可及此穆嗚呼汝章之稿  
余烏得無言汝章昔嘗持先公  
習齋集求余序不腆之文實在  
卷首孰謂今日又序汝章稿耶  
矧余與汝章年等後先未及親



面而聞其詩則久矣逮萬曆辛  
丑余受命西擯白于朝請  
以白衣充製述官

宣廟嘉之命徵詩稿以入於是  
汝章之詩恒在考案而汝章  
詩聲益輒徹大鳴于時幕中諸



君皆是名家大手各建榘矩高  
視河壇而門路之正格律之諧  
則藉之咸推汝章蓋節制之師  
也余觀其詩聲容為章意至而  
舒清麗典雅各臻其妙真所謂  
絕代希聲也汝章早拋筆子業



除官皆不就寓居湖上家貧宴  
子恒有飢色而人或勸之仕我  
待若不聞樂弛置自放於人少  
許可跡不到達官家獨時三造  
余余之遇興輒邀酒賦歌呼驩  
然相得風流曠世後憶驚人氣



隘宇宙眼空千古其誰抱負非  
俗人所可窺測嗚呼汝章豈獨  
詩哉豈獨詩哉既與時抹掇不  
欲陷人俯仰懷奇召義慨濁  
世凡有磊砢壹鬱無聊不平必  
以詩發之觸物遣懷無非自得



其談詩者爭相傳誦祿柳一  
絕自是詞人受世之德而流入  
宮中竟以是死天乎天乎孰使  
之然嗚呼一汝章之詩也而遇  
其時則褒嘉而寵之不遇時則  
構罪而殺之此係斯文之盛衰



邦逢之興廢則斯集之行亦可  
謂有關於世道也遂掩涕而書  
為石洲集序

崇禎壬申孟春月沙李廷龜璽  
徵甫



石洲集序

詩天機也鳴於聲華於色澤清濁雅  
俗出乎自然聲與色可爲也天機之  
妙不可爲也如以聲色而已矣顛冥  
之後可以假彭澤之韵齷齪之夫可  
以效青蓮之語肖之則優擬之則僭  
夫何故無其真故也真者何非天機



之謂乎世之人以詩觀詩不以人觀  
詩若然者豈唯不得其人并與其詩  
而失之詩可易言乎哉石洲之詩談  
者謂百年来所未有此固以詩論也  
乃余竊得其人焉余生後公幾二十  
年弱冠幸得從公游為人廣顙哆口  
踈眉目額偉而氣豪言論磊落動人



間雜詼譔性酷嗜酒、後語益放傲  
睨吟嘯風神散朗即不待操紙落筆  
而凡形於口吻動於眉睫無非詩也  
者及其章成也情境妥適律呂諧協  
蓋無往而非天機之流動也公雖以  
詩酒自放然天資甚高內行甚飭讀  
瀛洛諸書見解通明雖老師宿儒無



以遠過之

宣廟聞其名

命進所為詩大加稱

賞至以布衣佐僊使光海政亂屢以  
危言忤權貴竟中蜚語坐詩案以死  
及

今上踐阼

命贈某官以伸直道

完山尹洪公寶皆



公門下士始鋟公遺稿刻成屬余序  
之余結髮知慕公嘗得一言獎許至  
今未敢忘也序卷之託又何可辭噫  
公以豪傑之資用志不分專襲之於  
詩然其遇於世也只一當 華使而  
已竒禍之潛竟亦繇是致焉不知天  
之畀公絕藝榮之歟抑禍之歟乃今



遺集之行出於禍釁之餘殘膏賸馥  
將沾被窶中其視富貴而名磨滅者  
得失何如哉逝者而有知亦足以自  
慰矣悲夫

崇禎壬申春日德水張維謹序



奉寄洪府尹寶

石洲先生集今已抄定付標並新在  
本及家藏亂葉付其胤子仇去所謂  
彩本則所逆在本出東岳叔

父家未知誰逆在本七百餘首似雜  
而間有譏刺已甚者新本四百餘首  
太略而闕於文今擬家藏亂稿參以



石湖集  
二家本定為此集其最難取捨處與  
二三宗匠商確乃定無抄雜文以附  
其後而後此遂始完或言先生詩粹  
粹警策無不可愛此不可遂之者妄  
也此論固美然吾東人寒儉艱於印  
出若篇帙夥則行布不廣先生之梓  
其先集什抄一二今抄此集什捨一



二亦不免於多愛矣然非不佞所臆  
裁二家本已先之矣若異日事力有  
紓即續集之印亦宜有之望令公姑  
俟此繕寫重加釐正速謀鐫刻幸甚  
不佞晚識先生面後獲東都叙別之  
緣感令公守玄之思於此集既已盡  
情矣唯令兄亮之



崇禎辛未五月丁亥李植 再拜



石洲集卷之一

五言古詩

四懷詩并序

余性踈誕不宜於世頗為禮法之士所  
紬所與忘形不相疑者獨有四入焉世  
亂相失存沒不可知言念曩日交遊之  
盛落莫如夢中事感時懷舊作五言詩  
四篇凡千有七百五十言命曰四懷以  
擬工部八哀云

昔在漢京時年少尚豪毅涉世昧樞機論詩誇





斐亶苟匪子同病知音復能幾君才北溟羽失  
勢困置罟鎔鄒閉塵匣空有斗間氣我時坐閑  
吟頭角縮如蝟孤懷靡芥託蠅附得驥尾聚螯  
實分光敢蔗還共味文章恣馳騁雕琢愁肝胃  
春城花爛熳夏院葉蔽帟微霜墮高梧凍雪埋  
衆卉泛湖波潏沈登山石礪硯傑閣俯南山朝  
隰看薈蔚詩罷試新茶蠚眼聞石沸論事究輓  
輒命物羅品彙閑尋此郭生高揖南昌尉奇談  
騁離龍妙道况履齏百怪聚玄竇下覲焉足畏  
蛟鰐壯角牙手攬如刺蜚世情忌殊異人心不



可謂瑾瑜比較潔嘑咻多譏誹魯酒解旁園楚  
璧能成腓不容亦何傷固窮君勿諱秋蘭可以  
佩畫錦寧復衣相期越世網漁釣老葭葦生逢  
聖明君欲去還歎歎國家二百年廊廟密經緯  
群賢協謀猷四海馳光煒陸愔而水慄玄黃爭  
實籬豺狼忽改慮毒螫肆蛇虺妖星照王除翠  
蓋違丹袞平生十三篇願敵王所愾長策歟差  
池壯志懷憤排遠身落南鄉明月幾回朏山河  
慘滿目風景泣周顓諸葛欲扶漢嗣宗不忘魏  
夜夢呌天閭五雲深飄飄覺來如昨日旅枕獨



自希高陽舊酒徒半作殊方鬼念君亦拙拙如  
今安穩未相思費晷景雲樹渺江渭天津十年  
容想見衣冠偉舉世一溷濁不辨珉與瑋孤忠  
皎如日貪佞蝕之既分甘一瓢樂安用五鼎貴  
低心逐時利只使精神費不如抱遺經瑟僊追  
有斐願子採吾言慎莫棄葑菲詩成無使將聊  
可以自慰

右懷德水子

李君安訥

太一沓旭卉山河初兆朕網緼播群物神秀子  
獨稟聲華動湖海符彩拔流品丹穴弄瑞羽綠



耳生赤潘眉次九雲夢稽天浮大浸妙道發開  
機世俗安敢闢我心如廢井茅塞不堪沁賴子  
劓荒棘溫蠖忽已滲逸翮羨羶錫跋足愧蹕蹕  
秋咏小山桂春開清夜飲雅論憂華鯨清詩剪  
宮錦高人少町疇薄俗多譏諧懷寶故迷邦價  
重難沽貨明珠翳沙礫嘉菊浚葵荏齟齬子已  
較韜舌我亦齡誓將決焉去結屋桑麻蔭所要  
在甌石不用崇倉廩聖朝尚文治金革久不任  
調鼎忽違和烹鮮俄失飪秦關破天險漢苑靈  
氛侵風塵蔽寰宇警蹕離丹禁蓬蒿愁閭巷灰



燼悲陵寢蒼生輟錢鏹紅女罷蚕絲喪亂何代  
無比古今更甚平生斬郅劔意氣空凜凜蹉跎  
二湖間旅泊長懷慄思君不可見幽抱向誰論  
山川鬱回互消息難令鵠寄食一家村忽忽坐  
昏窅診夢感櫟社尋僧解謠讖狂走屢眈眈孤  
懷恒怲怲處約音未慣涉世今差審詩情餘舊  
習瘦盡東陽沈窮餓士之常非開降大任昨夜  
夢仙山曉翼慶客枕未遂丹竈約一別經三稔  
願為雙台鶴天外呼相喑世人醉榮利有如鴛  
食甚齷齪不足道棄置且吾將噤徙倚步前簷瞑



雲寒淅淅

右懷王方老人

洪君春壽

孔孟去我久大道日以闇六籍既灰燼舉世入  
玄窩區區紫陽翁綴組費鉛槧難齊天下口易  
牙徒能喊至今千載下聖路多坎壈吾子發幽  
憤進道無不敢妙理洞鴻蒙高懷謝黷黷金仙  
尚空寂老氏貴恬憺下至百家術乃以一手攬  
曰余昧前訓小技忝鐫鏤鑿窟竊想風采事類嗜  
昌歎相逢塵土間論議令人感語我太極先真  
味本來淡器小易至盈虛重難容擔義苑得切



石山齋集卷之一  
一  
磋文堂事點勘雪峯凍魏我春湖漲泛濫夏院  
綠簣簾秋池紅菡萏詩酒動相隨脫略傾肝膽  
妖星一彗孛烽燧秦川黠脫身豺虎窟共繫江  
都纜重隼十年手相視各悽慘撫劍慨時事淚  
落不可掩發恣十日話端如嘗撮攪歡喜詎幾  
何離裾又一摻把酒水上亭戀戀不忍寔孤帆  
忽南下極目唯江熒別離已經歲天柱尚頓撼  
顧我能襖人分甘藜不糝念子抱奇器何謂亦  
顧顧淳風死不回世教一幽暗服艾棄蘭芷惡  
朱喜緋紺天運固如此志士空多憾悄悄坐窮



愁對案不能噉客堂感流景缺月頻窺曉每懷  
少年遊想見兩髦髡人生實可憐百世亦云暫  
夫唯道德鄉萬古無增減至人不凝滯逝止在  
流坎願言各努力勿為利所啗作詩聊自警憂  
來時一覽

右懷宋天翁

宋君耆

昔與子同遊思義日彌重心肝瑩相照襟抱豁  
無雍受性我實頑向道子則勇雅懷皎壁月高  
標拔山豕閑行袂相聯醉眠衾共擁林園晝曉  
禽池館嗟秋菴江春花豔豔寺夜鼓洶洶賦罷



手幾叉詩成肩尚聳湖山入牢籠宇宙歸錯綜  
筆力騁瓢詒簡編刪闡醜瑰意世方驚逸韻人  
皆竦徃徃話社稷淚迸若泉涌重雲欺白日讒  
佞各矜寵世事日如玃時態多煩冗海寇忽憑  
陵黎元盡肱腫烟塵犯畿甸兵甲滿羣輩戰尾  
落累愚賊焰燒欒拱防胡挫漢威幸蜀躡唐踵  
平生報國心愁緒類抽蛹與子叫天閤性命輕  
一蹴蹉跎各星散晤語誰與共逃山愁翠嶺走  
海狗洶溶懷憤背成癭蹈險足生尪幸甬脫碣  
磬快若解桔蓐鄉路幾西悲君恩長此拱卧病



滯江海歸夢泣秦隴子惠萬里書披讀無忻悚  
又得七字詩光彩耀珪珙依依想平昔愛玩手  
長捧輾轉落南州旅宿魂猶恟子弓忽來過眉  
宇喜重奉燈火照夜語新詩相為誦鷄鳴戒徒  
御曉氣作寒霧別離幾日月盜賊尚恣縱郡國  
日以病軍領絕漢甬瘦菑苟懷策迫此懼將恐  
知膏限流寓札翰阻歛縫長懷京洛間意氣相  
追從戰詩日角逐有似鄒魯閩只今無鬪心惰  
氣鼓不踊惟當棄鉛槧南畝理荒茸出租奉公  
上謹身守丘塚君看榮利場擾擾未斷龍俗途



有千歧高駕苦易憂處身木鴈間誰知無所用  
此志恐不固為詩斯自訟

右懷六友堂 具君容

感懷三首

今日忽不樂杖策登北林雪消遠山淨日落浮  
雲陰蕭蕭叢薄間礫礫喧衆禽衆禽各有侶客  
子方獨吟羨人在天端悵望傷我心巾車欲有  
往道路多嶮嶮竭來理舟楫滄海闊且深坐看  
高飛鴻淪下沾衣襟夜歸寒檐卧夢行湘水潯  
臨水吊楚魂碧水空沉沉回首叫虞舜但見雲



外岑古有遠別離此恨寧獨今去去勿復念芳  
樽聊自斟

黃雀何翩翩寄巢枯葦枝江天喟然風葦折巢  
仍歆巢破不足惜卵破良可悲雄雌飛且鳴日  
夕無所依君看彼黃雀物理曰可推結巢豈不  
固所託非其宜

種蘭盈九畹雨露日芳菲坐冀枝葉茂庶用充  
佩褱嚴霜昨夜下百草倏已腓移簞尚不免况  
乃蕙蔭微仰視日光有淚沾我衣豈徒感時  
節君子有所思



夜坐醉甚走筆成章三首

我本無心人願得無言友同遊無有鄉共醉無  
味酒有無不是無無無更何有為問無是公如  
此是無否

昔余夢為鳥飛入白雲鄉又嘗夢為魚濺刺游  
滄浪方其得意也朕朕且洋洋俄然形忽開此  
身尚在床物理有合散變化固難常孰辨真與  
夢孰分蝶與莊古來世間事幾度炊黃粱悠悠  
倚山閣天地正斜陽

幽居所居屋統屋多古木有鳥半夜鳴聲如小



兒哭其名曰訓狐鳴則主人厄主人語訓狐爾  
聲雖甚毒舉世皆爾曹不祥爾豈獨受此言弄巧  
舌賜睽張奸目對面設機阱陷人動不測以爾  
比世人焉知不為福

述懷

朝日自何來夕日向何去一朝復一夕白髮遽  
如許少年志氣壯長嘯望伊呂方圓豈相謀與  
世實鉏鋤始也多毀訕終焉寡傳侶况逢干戈  
際漂泊忍羈旅溝壑幸而免疾病固其所皎皎  
平生心壹鬱誰與語手掇秋菊英顛貽高丘女



佳期未易得歲暮徒延佇

切切何切切

切切何切切有婦當道哭問婦何哭為夫婿遠  
行役謂言即顧反三載絕消息一女未離乳賤  
妾無筋力高堂有舅姑何以備饘粥拾穗野田  
中歲暮衣裳薄北風吹郊墟寒日慘將夕獨歸  
茅簷底哀怨豈終極

貧

人無置錫地而我本無錫物量有定分盜誇非  
所期蓬蒿原憲宅霖雨子來詩去者雖已遠清



風猶可追

獨酌有詩三首

春雨細如霧，好花開滿枝。  
忽忽感時物，濁酒聊自私。  
竟日卧南榮，舉目多好詩。  
人生貴適意，局束欲何為？  
寄語同心子，莫孤林下期。  
百年任醒醉，人知我是誰？

少也待佳節，長恨日月遲。  
及壯念衰老，坐嘆年光馳。  
努力愛紅顏，莫忘歡樂時。  
眼前不自覺，後來徒自悲。  
孰云貴賤殊，貴賤皆若斯。  
但願百年內，有酒勤相持。



昨日盡日風今日盡日雨天道豈無意陰晴自有數幽人念時節擁褐開北戶曖曖近村烟蒼蒼遠湖樹所懷不在此閑情向誰吐幸有一樽酒可以慰遲暮書詩記朝夕不是要佳句

題邊秀才

慶

南華經後

道本無始終物豈有生死適來適去間何者主張是鼠肝即鼠肝虫臂即虫臂何為何不為待彼而已矣

贈林子定

帖

我愛林子定其人王佐才奇韜握龍虎俊辯騰



風雷鬱鬱抱奇器功名安在哉鳴琴咽流水古  
劍生秋苔我亦落拓者半世趁風埃欲陳濟時  
策天門何崔嵬茫然撫疇昔壯志中道摧托迹  
屠市中燕歌空自哀三花若未落與子歸去來  
雙騎紫鱗去浩蕩遊蓬萊

題沈尚志<sub>掩</sub>郊居

客自水站來清曉叩門板主人去京華歲暮猶  
未返園丁慣看客迎我笑而筦開室掃華簾戒  
厨供白飯居然飽我飢不愁前路遠顧謝汝園  
丁何以報深懇留詩牕壁間要掛主人眼



具公受容將赴任金化枉書求詩

我衰益踈誕，蹭蹬不自悔。陸沉古都市，歲暮欲  
何待。朋知日星散，坐歎光陰改。忽枉竹樹書，價  
重珠百琲。竹樹天下士，舉世仰符彩。平生古錦  
囊，可以括四海。十書命未通，去作山澗宰。邑居  
倚名山，萬峯碧嵒崿。遙知謝簿領，峻陟窮爽塏。  
自笑落塵土，謾受群兒詒。行當拾瑤草，宿昔佳  
期在。道路阻且長，江水流浼浼。離懷不可瀉，悵  
望愁更倍。題此寄行軒，拙語無足採。

秋懷戲效李白



白露下蕪葭水國知新秋天  
雲遠山淨地迥寒江流羨人  
隔南浦日夕令人愁相思屬涼  
夜片月生西樓

食蝦蟇

蝦蟇本有尾一名是丁子南公  
謫為蛤初不校同異凡物各有  
區陸者不能水去來唯所便嗟  
汝獨何智在淵或在田欲學神  
龍事自古當鼎實熊掌未足比  
孟軻豈欺我天下口相似清晨  
課隸人罩釣水草裏居然得雋  
歸狼籍駭人視膳夫備辛醎烹  
炙隨所指下箸初可猜下咽終



可喜觀者怪吾饒掩口爭嗤鄙人誰不飲食知  
味蓋鮮矣丁寧謝詩人莫賦河之鯉

秋日把酒感而賦詩

手掇秋菊英寒香盈我襟  
槽床夜來注洗觥聊  
自斟輕雲掩清旭古井生微陰  
此時無與語春  
馬懷所欽佳期歲云暮  
閉門黃葉深

古意八首

隴鳥何翩翩東來入紫宮  
君玉顧之笑貯以金  
絲籠宵眠曲檻靜晝啄香稻豐紅紫  
語朝日綠  
羽搖春風一朝栢梁火委質灰燼中人皆羨其



始我獨悲其終豈若故山侶孤鳴松桂叢

有客別東魯求名入長安長安多甲第歌舞青  
雲端衣冠散廣陌劍佩聲珊珊忽見車騎來白  
日輝金鞍認是平生親欲進仍盤桓願一道姓  
名氣象不可干日暮歸邸舍撫枕涕洟瀾傳語  
後來人此路誠獨難

少年喜遠游按劍出西塞道傍雙古塚累累正  
相對云是孤竹子蕪沒向千載慷慨為悲吒沉  
慟傷五內盤桓不忍去白日慘將晦商周今已  
遠是非竟何在



幽蘭生都房秀色一何嫩  
雨露日夜滋枝葉忽  
盈畹竊恐鵲鳩鳴青歲  
坐成晚今人不知佩古  
人亦已遠天運苟如此  
持此欲誰怨

鳳皇生丹穴一舉橫九州  
朝辭閭風岑夕飲滄  
海流文王久已沒何當  
一來遊嗟彼藩籬雀啾  
啾安所求

行出郭北門日暮游江皋  
凝霜被百草烈風聲  
怒號原摯何蕭條極目  
唯蓬蒿豈無同來人莫  
知我心勞所思在萬里  
茫茫隔風濤孤鴈西南  
翔哀鳴求其曹見此長  
嘆息淚下沾寒袍



嚶嚶谷中禽芊芊江上草皎皎深閨女採桑城南道行者為踟躕共言顏色好寔脩沒已久佳期苦不早終然守幽獨歎息年光老夕日何暉暉照我秋園葵秋葵共夕日能復幾多時忽有回風發浮雲來翳之恩光中道隔對此令人悲

行路難

吳歆且勿叫蜀絃且勿彈四座各傾耳聽我行路難何處路最難最難在長安長安大道傍甲第遙相望借問誰所居許史與金張軒車溢閭



卷之一  
蒼絲竹鳴中堂手握造化關天地隨低昂咲或  
吐春華怒或飛秋霜一言不相入瞬息成禍殃  
嗟爾遠方士營營欲何求歸去復歸去桂樹山  
之幽

### 曉踰車嶺

人生無賢愚為口長營營處世豈免俗也復勞  
此行中宵發右館策馬西南征地傾崖石大天  
寒沙水清凌晨越車嶺左右山崢嶸松風何喧  
喧怪鳥時一鳴斜月隱奔峭鬼火林間明我僕  
泣且僵我馬行復驚險艱不可道斯路何時平



長歌苦寒行古人同此情

記夢

夜歇葛院村鷄鳴逐群動荒林十里陂馳褐冒  
寒霧頹頹據鞍睡歷歷還家夢斑衣上北堂侍  
立雙手拱山妻語音好春蠶方浮瓮小女始扶  
床姪姪極可弄中堂鋪綺席棣萼羅伯仲離觴  
湛琥珀盡燭生蠅螬簪纓雜諧笑粉黛多迅衆  
孰知一餉間喜事紛總總耳邊溪水急遙響風  
吹送形開境忽移行色方倥偬浮生百年內生  
死等蟻蟻覺夢豈兩般悲歡本一種不能自解



石沙集卷之一  
晚更覺塵緣重攬轡三歎息林端初日湧

夢具容

百川日東流逝者何時還堂堂具公子零落歸  
丘山昨夜來入夢彷彿平生顏戒我慎處世處  
世良獨艱苟能適其適死生同一般轉輾忽不  
見起坐淚潸潸奈何失知己白首留人間

遊城東次使相韻

李使相即月沙  
公廷龜

我生遭飄蕩十年別鄉國苦被世務迫又作西  
州客西州形勝地川原紛駭矚地僻衆山秀天  
寒萬壑縮平生迄賞心遇景輒難抑日昨到龍



灣城府開清旭粉堞連雲烟青樓夾街陌人言  
城北隍有淵深莫測王鏡不受塵清輝蕩高壁  
餘波瀉千里浩浩窮遠目枯松與怪石顛倒蒼  
崖側華夏此為界控引雄拖軸巖楓九秋赤汀  
草三春綠光景逐時新照映馮夷宅有時龍用  
壯白日飛霹靂陰姦所舍蓄俯瞰彌悚惕神物  
豈敢侮靈源何可塞當年有異事鐵鎖留古跡  
伊余坐賓館自傷遊絕域偶此忝陪賞初遙動  
乾華江鱸白雪高山看絳實折覽物脰空勞吊  
古腕屢托幸今時運泰正值兵火熄即事但酣



歌金戈何用拓日八邊月生奇興殊未極逢場  
却盡歡豈道鄉關滿佳人金縷衣烏帟隨長笛  
亂後得此遊人間有今夕所恨江水凍錦帆不  
可劃醉來駢雪馬忽若的盧躍歸路擁火城橫  
鞭意自得公詩清照眼有如江漢濯隋珠何以  
報拙語同燕石

次韻題正上人詩軸

何所聞而來何所見而去去來唯適意超忽絕  
儔侶我有心中疑願下一轉語此道具本末進  
德要循序奈何黃面老云有頓悟處上人默不



言臨別更問汝

送李子敏

安訥出守端川

春陰逗餘寒，關路正風靈。奈何君遠行，重嶺不可越。君才合侍從，小邑非所屑。豈伊猷承明，聊復為親心。國家新去亂，一作聖朝憂虞方未畢。黎元困征賦，愁痛未忍說。官吏恤供給，割剝到膏血。向來百家村，所存無十室。慎勿踵前跡，務在蘇疲菑。甫用刑戒酷，吏推恕法先。哲行令惆悵，民再見昇平。日從此藹聲績，卿相可俯掇。伊余性放誕，與世實踈濶。閉戶風塵中，十日不一出。



沉憂恒鬱之况此與君別尊酒慰行役勞歌頌  
愁絕願言各努力無使音塵闕

憶舊遊五石字奉寄開城留守許令公潛

憶歲在攝提翰墨遊開西關西形勝地觸處多  
山溪恨為王事拘不得窮遊娛居然脫羈繫決  
若驚飛鳬人言松壤國乃是神仙區况聞太守  
賢風流天下無回輶駕言邁山路多崎嶇途殫  
得異境况入壺公壺君侯喜得我顏色頗敷腴  
號呼促管絃接袂登華筵紅樓枕綠水敞豁當  
中天娟娟袖女峯列侍尊壘前是時朱夏初景



氣何澄鮮江流正浩蕩江草方半綠迥然諧宿  
心似脫區中綠豔姬眸射戟羅袖輕翩翩妖歌  
激畫櫓亂舞落金鈿高譚雜嘲笑醉態狂且顛  
舉酒酌東明事往今千年日入設庭燎華燭長  
如掾峯頭擲火戲至樂寧有此夜闌清讌終逸  
興殊未已平明登綵舟扣拽浮中沅魚龍避畫  
鷁簫鼓驚沙鷗箕踞露吾髮甯傲凌滄洲結纜  
蒼壁根步躡高唐雲襄王去不返異跡空傳聞  
平生好奇怪頓覺斯遊最人事不如意三宿乃  
旋旆山川忽已隔悵望知何奈我於去歲秋匹



馬趨西州公時尹古京邀我城南樓  
聯鑣紫霞洞水石清而幽不謂道途間  
更續巫山遊別來幾多時歲月秣馬馳  
中間一再見綴綴意益彌公材實間世  
早抱青雲姿清風振濁俗國耳忘其私  
引士必名勝布惠先惇嫠顧惟能職者  
失路迷所之豈無濟時策耿耿空自奇  
嗜酒益踈誕舉動人共嗤髮白走塵土  
未暇營一炊泥塗垂拂拭感荷君子知  
許與眉宇間一諾山可移離合故多端  
升沉那得期唯餘方寸心金石無磷緇  
索居殊壹鬱昔遊後思息西風掃炎溽秋



氣生礪谷幾時陪杖屨天磨看飛瀑

雨中隣翁惠酒醉中信筆為詩

亭午鳥聲歇急雨鳴屋椽空齋盡日睡草樹生  
微涼家貧烟火絕嘯歌如子桑西隣頗解事送  
酒澆飢腸向來惜人情況此安敢忘一酌十回  
謝石面情未央居然不復謝去八無何鄉

酒後示諸生

我聞群聖人相傳唯此心所貴守本性不為外  
物侵窮持顙蒼瓢達作商家霖行身依典禮可  
托君子林其餘反是者未免為昏淫老夫早向



道古言以自箴中間遂放倒兀兀仍至今舉世  
不我容白首甘陸沉豈意諸少年負笈來相尋  
願言各努力惜此分寸陰立志要堅固窮理要  
精深人生不再壯歲月驅駸駸勿以我為妄聽  
我醉中吟

病後步西園有懷

偶嬰漳水疾鬱々度晨昏今朝試脚力杖策登  
西園春光欲淡沲日色和且溫羃地芳草積滿  
林幽鳥喧觸物已生感好懷寧復論蜘蛛網詩  
簞塵土生酒尊平生放浪意消落無餘存因思



淚水上古勝事繁青山麟馬窟明月大同門  
歷々舊遊地悠悠勞夢魂惜哉不得往泯默更  
何言時以製述官有西行之命而病不能赴故及之

送金進士輾南歸星州并引

余識金君志遠近十年始見於處士成  
氏之居成氏之甥曰趙君士安者亦佳  
士與君情好甚密有若天倫焉一日君  
出畫卷曰群山二友圖蓋二友者君與  
士安也群山者二君始會之地也畫則  
趙君手筆而二君俱有題序且命余為



一言余竊歎朋友道滅絕久矣乃特見  
於今而又在於吾所從遊者雖未能參  
入畫中得掛名於其後亦幸矣乃賦長  
句詩以附卷尾自是雖或聚或散而率  
不過數十百里之間得以時時經過以  
瀉壺鬱曾未幾何而趙君逝矣又未幾  
何而君且南歸矣噫士之知己夫豈易  
哉古今如許其寥闊而生在一世四海  
如許其廣大而生在一國國人如許其  
衆且多而獨吾與二三子者一言定交



莫逆於心則其風期宿緣似非偶然而  
或不幸早逝或遠作千里之別使我白  
首同歸之約堙沒無成此非人力所到  
其如天何哉雖然感舊傷離亦情所不  
能已者聊書所懷以贐其行

吾侯不羈士乃是東南美艱避兵亂輾轉西  
海溪為人古心貌文藻蓋餘事飢寒走不暇得  
喪無愠喜我亦翫髀人白首屠沽市相逢風塵  
中一笑許知己往還八九載浩蕩江湖醉今晨  
來告別千里適南紀星山舊田廬雲谷好山水



身持令名歸亦足償素志况人生世間如泛梗  
相似縱橫不自覺聚散固其理但憐鹿皮翁未  
契得數子心期坐乖張襜挹欲誰倚平生趙士  
安零落歸蒿里逝者不可回萬世長已矣子又  
決然去後會焉足恃川原莽回互相視各垂淚  
臨歧更贈語珍重慎行李如逢北來鴈願寄平  
安字

余居閑無事習懶成癖絕朋友過從之樂  
因以淵明詩為會心友玄鶴琴為知音友  
麴生為忘形友遂題三詩以志之



禮樂歸金刀平陸渾成江斗粟聊爾耳高節不  
可降秋花非俗物濁醪盈我缸平生五字句古  
意極醇厖吾今有世下夢想拜老龐每到會心  
處清風生北窓

右題淵明詩卷

孤桐生龍門直上高十尋下臨不測淵上有哀  
鳴禽何年斲天骨製此丘中琴一鼓靖人耳再  
鼓和人心舉世無鍾期誰知音外音

右題玄鶴琴

世路極險巇吾身安所歸幸有麴秀才風味不



我遠平生老瓦盆  
白有相因依一盃  
遺萬物寧復為人  
韃聖愛不難到酒  
德能廢幾未覺軒  
冕榮豈知蓬華微  
至味諒斯在  
所貴知者稀  
回語獨醒人  
醉鄉無是非

右題麴生

題馴鶴翁詩卷

羸翩羽衣仙  
乃是青田真  
朝辭閭風岑  
夕飲滄海津  
別來綠玉樹  
花發三千春  
雖然落世網  
獨立超風塵  
此物非俗物  
非爾誰能馴

麴兒行



麋也鹿之後膽白故善驚喜山或喜澤同實浪  
異名產子豐林中累累相隨行偶落樵夫手跳  
擲何生得毛骨未及壯不足充烹啖號若嬰  
兒殺却豈我情催僮樹短柵飼之等養牲見人  
必僂僂竪耳突眼睛摩掌稍相近漸覺趨和平  
終然擾且順頌倒喜人聲每遇當飼時昂首先  
來迎此物本山野與人不相營由其善畜養習  
性若天成况乎人與人元自同胞生夷狄縱異  
倫亦可就羈纓小人君子間只隔毫釐爭初豈  
與我異遇之當在誠苟能得其懽敵讎為弟兄



笑談或失意骨肉生五兵至人齊萬類與物無  
所撓豈學群小態爭閭紛硜硜丁寧告同志此  
詩君且評祖試

次韻趙持世韓以繕工監後官觀刈葦於

鴨島自嘲之作

君侯盛壯時諸少氣欲盡居然屈壯圖但有毛  
骨緊膏中萬甲兵聊復試筆陣昨日君家騶插  
翅爭奮迅騰馳九幾輩造次生悔吝富貴何足  
論今古一灰燼何如積薪底白首甘吏隱來詩  
語不多味永方覺雋古人豈難到世俗那妨哂



擲地已金聲期君終玉振

附元韻

祗後出鴨島監刈秋已盡蕭蕭蘆葦晚烈烈  
風霜緊侵晨驅役徒魚貫排行陣利鏃似新  
月一揮驚電迅斬伐並蘭蘅蒿荻何曾吝平  
原忽已赭大澤無餘燼鷓鴣驚失舊栖狐兔不  
復隱斯須積如山課功若得雋事業止於斯  
功名聊自哂安得冀群小致令 王靈振

奉贈灘隱

即宗室石陽正  
墨竹妙絕一世

翩翩佳公子標致迥絕代超然厭濁世邀舉謝



流輩胷中千畝竹歲寒常不改平生三昧手自  
有能事在融心造化屈用意烟霞外方將下筆  
時神與境俱會須臾風動壁爽氣欲生籟向來  
文湖州更覺才力退不惜傳世人但恐泣真宰  
遺我以醉墨行李頓生彩他年開展處眉宇宛  
相對勉率留詩章拙語無足採

次山人處英詩韻

有物絕名相所以能物物心如寒江水印得空  
界月一自混沌死萬法從此別諸佛亦微塵  
經皆妄說何人強解事作此淡生活



雜詩

巨海浸坤維浩浩揚風濤橫看無際涯仰視星  
斗高徒言九州大宇宙一毫毛何處覓三山誰  
人釣六鼇王母老赤脚妄說千年桃但見百川  
水日夜流滔寄語精衛鳥噉石無徒勞無徒  
為徒

挽歌為金謙作

握珠忽墮地錯莫驚神魄種木園囿中貴者恒  
不蕃人生有如此天道寧復論中宵動祖車丹  
旄風翻翻親戚執素紼行哭向丘原佳城一以



開尊夜何由敷今古共一轍已矣知何言

送李錦山子敏之任

君侯神駿姿如馬脫重銜雙瞳清照人寶鏡新  
開函膏中千卷書藻思不可緘氣酣恣揮洒筆  
勢爭風帆雄詞肆滂沛苦語工鐫剗和璧脫玷  
翳楚俗多謗讒窺窺廊廟器誰辨玉與城一麾  
三出守大惠歛莫咸終始執苦節亦是勵貪饒  
辛勤備滄漭奉養出至誠平生報國心上有神  
明監鄙夫早識面滿蘇倚松栢才名雖不逮氣  
味同酸醎江湖極遊衍諧笑相謔謔開尊愛灑



艷捧盆憐攢攢結交三十載心地鉏斬品白頭  
那此別有淚霑我衫西風振槁葉曉氣成寒寥  
睠然懷往路雲山鬱嶢嶢行矣樹佳故使君元  
不允

任寬甫鎮挽詞

我國於為詩好尚唯蘇黃中間崔白輩稍稍歸  
盛唐雖然喜清嚴古氣頗凋傷君侯大雅姿錦  
繡為心腸平生三百篇逸韻何鏗鏘不入陶謝  
室要升蘇李堂才名四十年與世終乖張文窮  
自古然貧病乃其常嚴霜一夜下蘭蕙委微芳



傷心懸磬室門逕已荒涼弱齡蒙許與藝苑參  
翱翔將老失知己我涕流滂滂清談與雅量已  
矣今則亡唯應擬古作萬古江河長

記異效白樂天

十一月將晦時夜二更後天地色黯慘江河聲  
怒吼兩師挾風伯鞭策群龍走陰陽失其度怪  
事無不有為問百歲翁曾識冬雷否

有木不知名效白樂天

有木不知名三株互蟠結地高偏受露陰重巧  
遮日群蟻喜心空衆鳥欣葉密蕪為廔廔宅百



怪中夜發有人不量力持斧擬剪伐為近社壇  
下欲進還股慄一朝霰雪繁天道有肅殺豈若  
澗底松千載自蕭瑟

新春病不能飲慨然有作

平生喜飲酒一石嫌未痛居然喫不得造物真  
好弄祇恨身早衰敢言心不動任情得新懶求  
道喪前勇行年四十四閱世夢中夢



直隸總督臣李鴻章奏為十四國通商口岸

設法保護臣等竊維通商口岸為各國通商之

平山要道一經設法保護則通商口岸之利

無不保全而通商口岸之利亦不致受損

臣等查通商口岸為各國通商之

平山要道一經設法保護則通商口岸之利

無不保全而通商口岸之利亦不致受損



石洲集卷之二

七言古詩

驅車兒倪時作

驅車兒三十四，猶總角有廬，不居田，不耕年。  
年伐木在山谷，借問伐木何所用？長安城中起樓閣，樓閣連雲山。木盡官家催，促無虛日。城南昨夜飛雨，滑陌上春泥深。後膝竟日十步五步間，牛飢無草兒不食，兒不食尚可，牛飢恐失足。驅車兒兒有辭，傍人問之亦淒惻。兒驅牛牛駕車，牛蹄趵趵車轆轤轆轤，趵趵十餘歲，兒身無



子牛無犢一朝牛斃兒亦死官家何處施鞭朴  
願將此意叫天閭及時下令除苦役兒但與牛  
相對眠日長村巷桑麻綠

秋懷側體

柴荆寂寞無人跡中酒多年與世隔諸葛休誇  
管樂儔荆公正笑春秋學牀虫唧唧語深秋籬  
檠盈盈歛寒夕獨背孤燈枕手眠雲山入夢參  
差碧

觀燈行示友人

須彌之山堯率天四月八日生金仙心心相印



比傳燈流入東華知幾年漢陽豪富天下推張  
燈設戲傳遺風紛紛甲第鬪奢華羅幃繡幕連  
青空金樽酒重花滿烟紗籠銀燭光玲瓏五鳳  
毳毼九龍騰十里金碧輝觚稜是日金吾不禁  
夜笙歌滿路香烟凝青樓處處捲珠箔分曹作  
隊多豪客繁華幾時人事改滿目干戈日月晦  
九重城闕忽丘墟疇昔同遊幾人在他鄉作客  
伴孤燈歸夢遙遙越雲海閉門飢卧動經旬不  
覺明朝是佳節速宜相就飲一斗人世悲歡不  
堪說男兒百年貴得意何用傷心催白髮玉虫



金粟亦無賴夜來應有花間月

遊摩尼山用觀燈行韻

摩尼山高高插天上有瑤臺遊羽仙溪花笑日  
知幾重澗松閱世皆千年危峯拔地氣勢雄絕  
頂四月多寒風西南軒豁眼力窮碧海萬里涵  
青空玉京去此不盈尺想聞仙珮鳴玲瓏琳宮  
駕雲鐵鳳騰萬壑嵐翠連觚觥晚歸蒲團聞妙  
香客塵滅盡神魂疑山光雲影繞箱箔數聲啼  
鳥留歸客向來人事易變改浮世光陰幾明晦  
昨日飛綏施王者今日曾無一人在萬古消沉



忽忽間吾生一粟浮滄海方丈聞名徒恍惚玄  
圃尋河費時節不如卜宅近前峯依止老宿求  
法說出門一笑歸路遙水樹微茫綠如髮夜寒  
陳迹已空虛茅簷祇對山中月

贈李明應用前韻

李白騎鯨飛上天芙蓉城裏追群仙醉翻王母  
九霄觴再謫人間三十年多生習氣尚豪雄歷  
落頗有前身風向來能事未全消清詩健賦聲  
磨空比年學劒干伯玉腰間琕琤搖玲瓏風塵  
蹭蹬失騫騰白羽在篋還生鰲即今飄泊江海



間相逢一破窮愁疑自嘆貧賤事織箔屠市夷  
門曾結客狂圖未誠髻先改大醉長歌自韜晦  
有時彈鋏氣如虹知音賴有夫君在既不能揚  
鞭走馬出橫門腋挾燕山趨北海又不能上章  
請斬佞臣頭折檻天庭立奇節破窓燈火坐閑  
散鬱鬱幽懷向誰說飲君樽酒為君歌莫論世  
事多如髮各將藤杖待秋風去踏萬二千峯月

天何蒼蒼醉中走筆

天何蒼蒼地何茫茫山岳何崒崒江海何洋洋  
堯舜何巍巍孔孟何遑遑盜跖何以壽顏淵何



以殤穽子何為愚箕子何為狂萬物盡如此此  
理誰能詳君不見林之國群陰蔽明月屈原懷石  
沉江湖又不見漢廷諸公惡年少賈誼去傳長  
沙王鳳翔千仞竟焉往蕙樹百畝空餘芳有才  
不必用有德不必彰李斯入關秦乃帝孔明出  
廬漢終亡世間成敗本如此力耶命耶誰主張  
酈生舌下七十城不免身作鼎中烹淮陰戰勝  
攻必取不免身死女兒手智巧不可恃從古有  
如此為問白日金殿上何似清風北窓裏况復  
長安大道多險巇前有太行山後有巫峽水魍



題嘯林蛇出竇熊羆西咆虎東踞水鏡俟人影  
天鏐錄人語鬻量星兩肩矰蝓胷雙脚寄立尺  
寸地進退俱不得人生莫向此間行富貴向來  
生五兵所以江東張季鷹但愛一杯酒不願千  
載名去子驕氣與多欲不用多言與多力驕則  
不自保欲則不知止言終裂蘇秦力不救任鄙  
莫愛采石江上月莫愛灞陵橋上雪寒驢覓句  
只冷淡長鯨登天終恍惚不如樹檣無何鄉游  
居寢卧于其傍六合為室萬物為糧星辰為佩  
雲月為裳塞兌閉門與道翱翔下眦黃泉上登



太皇男兒到此即是大休歇何用在世長寧靜  
詩酒歌

杜子耽佳句岑生嗜醇酎而我何如者愛詩無  
愛酒舉世盡趑趄二老可尚友人生快意貴自  
前何用浮名萬歲後我筆不去手我盃不離口  
岑生在吾左杜子在吾右一生如此又如此詩  
九幾有酒幾斗不管人間寒暑換不問天上日  
月走不是堯顓舜不非桀與紂不悲貧賤天不  
喜富貴壽或登山臨水或訪花隨柳有興輒醉  
醉即吟萬物於我知何有



飛光戲贈友人

飛光飛光爾行誰所迫朝出東冥暮西極昨日  
今日又明日如此如此不得息人生世間駒過  
隙少年一失難再得不知身後名何似眼前樂  
請呼精衛噉木石填四海之波化平陸駕神農  
以耕召后稷播百穀千歲為春禾始生千歲為  
扶禾乃熟九州之鐵鑄大鑣獲而積之高於崑  
崙碣石釀作無限酒元氣以為麴一飲九九八  
十一萬斛醉卧鴻濛之野溟滓之域大兒赤精  
子小兒衛叔卿令湘娥鼓瑟命子晉吹笙下視



無懷几遠等蜚蜚其餘荒舜禹湯文武周孔瑣  
瑣不足程時乘紫雲車容與出八紘手撼若木  
枝花葉紛而零要令天下人拾以食之皆長生  
狂吟志在此無乃太執落既覩百年友是不是  
歌一曲

醉吟

三尺太阿劍百年梁甫吟逢迎多白眼遊說少  
黃金風塵萬事一揮淚誰識男兒方寸心

栖鳥問答

問栖鳥秦塞楚山無限樹何處不堪栖却向遠



客窓前秋夜月飛來飛去伴人啼  
栖鳥答去年失雞仍失雌在野空見  
盧羅羈豈知窓裏愁人泣只愛窓前  
好樹枝

走筆謝申質夫撲惠鷄

君家物色似尸鄉赤幘喧呼滿阡陌  
去年後君得孤雄熟視方知不是木  
至今茆簷風雨曉夢罷隔牕聞喔喔  
豈但與櫛事父母更以利善分舜跖  
昨日又惠一隻雌定知獨陽難化育  
人言此物合養老况乃天生備五德  
從今飽喫錦帶羹飮餽肯復供藜藿  
不許小奴縛向市恨無雅



子催成冊翰林得鵬報以詩右軍換鵝曾費墨  
故用再拜謝君嘉題此寄去君應噉

詠畫為宋子深淵作六首

孤舟夜泊依古岸翠壁十丈垂雲蘿清尊獨酌  
無與語舉首向月彈琵琶曲終絃絕萬籟空寒  
江湛湛生微波

道人古貌清且奇百年泛宅何超忽橫吹銅笛  
學龍吟獨占烟波無限月天風捲入碧空去江  
上蒼崖十字裂

屋下清江屋上山酒旗半出平林間江邊老人



百不憂青  
箭綠蕤隨分閑  
平生不識城市路  
往來只在蘆花灣

老木槎牙臨古道  
清陰滿地生涼颼  
騎驢客入小橋去  
竹色但有琴相隨  
傍人祇道肩聳山  
豈知舉目皆新詩

山風一夜吹飛雪  
苦竹蕭蕭凍欲折  
溪頭老梅忽放春  
冷蘂踈枝太孤潔  
詩翁真句魂骨爽  
獨倚寒窗正愁絕

一幅空天數疊山  
鐵崖插入秋雲高  
銀河倒落天中央  
下射百里飛湍豪  
何人岸幘倚長松  
盡



日山風吹鬢毛

古長安行

長安甲第橫青雲，高樓絲管遙相聞。  
漢代丞相七寶車，麟麟夜入金張家。  
瑠盤綺食天厨來，宮中美女顏如花。  
燭影熒煌清漏遲，尊前密語無人知。  
門巷斜連夾城路，平明冠蓋多如霧。  
機關欵翕令人迷，白日鼻息吹虹霓。  
一朝人事忽顛倒，玉臺金館生春草。  
寄語世間夸奪子，古來浮榮不足恃。  
只今人憐賈太傅，紛紛絳灌誰比數。

春宮詞



香風澹蕩吹綺羅千門碧樹鶯聲多珠簾畫下  
洞房深美人睡覺傷春心起把金針刺孤鳳翠  
鬟欲墜鸞釵重芳華已晚君不來玉堦寂寂生  
青苔

送胡秀才慶元從吳都司南下

吾聞鏡湖水荷花十里傳香風又聞會稽山千  
峰影落波濤中淑氣鍾精鬱磅礴其間往往生  
豪雄賀公已去餘古宅蘭亭高會亦寂寞後來  
何者繼千古人道胡生材卓犖胡生年少風骨  
殊意氣昂昂出塵鶴上有爺孃下有弟孝節出



天無失禮力負不足供珍羞去家千里來遠遊  
樓船將軍是知己引為幕賓資良籌大帆如雲  
略扶桑百年壯觀絕于長去年來住江都城閭  
巷小兒無姓名我時陸沉得市中一日傾蓋如  
平生眉宇之間得心事朱絲一直冰壺清按我  
詩文動氣王建安七子堪動色龍文之鼎可獨  
扛筆端自有千鈞力羨君才如不羈馬一生豈  
是長貧者自歎短衣不掩肘長夜悲歌牛口下  
幸蒙夫子許知音片言出口輕黃金膏中恢疎  
無愛惜快辨可破窮愁寒舍開樽對雪峰江



頭走馬觀云燈可遊忽忽不可無世間離合元  
相仍君今南去逐旌麾丈夫所期誰得知方將  
跨海斬長鯨肯作屑屑兒悲斗酒高歌臨大  
道離魂黯黯連芳草湖南自古清絕地驛路梅  
花今正好煩君折得一枝春遠寄江潭憔悴人  
以竹枝報菊花之惠寄車五山天  
故人贈我秋菊英何以報之青竹枝我佩幽芳  
當自潔君依勁操終莫移平生相許只如此此  
心耿耿誰得知

郊居忽有詩思命婢覓酒詩成而酒不至



三冬被酒遊康莊任教俗子譏清狂榮辱寧論  
世翻覆得失但覺心清涼昨者歸來田舍間日  
照首看春盤香人生趣舍隨所適且把詩篇慰  
朝夕詩成不得一杯酒腹不負吾吾負腹

### 鬪狗行

誰授與狗骨群狗鬪方狠小者必死大者傷有  
盜窺窬欲乘釁主人抱膝中夜泣天雨牆壞有  
憂集

### 次韻宋子深長句見示

天公於我賦窮相短不可續如鳬脰倡狂自許



同阮籍歌後從他譏鄭繁三秋讀書深巷中風  
雨茅簷坐寒冷濁酒酣眠聊自娛耻向塵埃伍  
噲等感君作詩能起我合眼依依夢漁艇詩

海調

### 燕都行送李子敏

燕都地理雄且壯城闕峩峩九天上南臨五嶺  
西葱河四海萬國皆奔波往者楊獠頗猖狂天  
子赫怒誅姦彊大開明堂受朝賀諸侯冠蓋道  
相望我王赤心拱北宸妙簡在庭馳使臣我王赤心  
勸貢獻李侯貳之才有餘萬里



隨征車薊樹蒼蒼遶塞長  
漁陽驛路連醫閭去  
去追趨丹陛前身與佳氣同周旋  
男兒墮地要  
遠遊李侯此行仍少年我守蓬廬三十霜  
壯志  
索莫頭髮蒼知君定過黃金臺為我一吊燕昭  
王

夢中作

九月初四夜夢入一宅池館甚麗杏花  
方盛主人置酒索詩

君家美酒琥珀光杏花撲地春風香  
問君對此  
胡不飲不飲只令人斷腸君不見栢梁銅雀生



荊棘世事回環不可測人生老去寧再少莫惜  
千金買一笑

肅川池亭次子敏韻送尹定卿赴京

天涯節序何草草千村楊柳鶯聲老何處開筵  
送遠行肅寧古館池閣好世間離合劇茫茫一  
尊且復開懷抱酒酣騎馬忽歸去此時此恨誰  
知道

次子敏韻寄題滄澤李處士草堂

仁安

雨後池塘荷氣涼池邊小閣凝清香道人骨青  
仍髓綠偃仰百年閑味熟白葛小巾烏竹杖放



歌一曲林月上我有佳期在早晚命駕不辭千里遠

記夢

夜夢青童引我去忽到雲霞最深處仙樂風飄  
自帝所玉樓十二高入天五色靄靄烟非烟攝  
身飛上身飄然金支翠蓋相後先左右環佩羅  
群仙余乃長跪玉皇前焚香敬愛長生編一讀  
可度三千年簷間語嵒聲呢喃破牕透雨寒  
零招魂不復煩巫咸此身兀兀仍世間眼前萬  
事頭欲斑幾時長往巢神山



題雲水亭八景帖

曉晴山靄何霏霏如烟非烟無定所初看雨氣  
帶將來旋覺風光勾引去群峯出沒迷迤遠正  
似波頭見島嶼何許騷人拄笏看新詩合在微  
茫處

右華嶽晴嵐

山橋寂寂行人少一帶平林見歸鳥夕風吹日  
欲西沉沉漱漱寒空餘返照浮嵐暖翠相發揮天  
際依微數峯小誰將此景作畫看除是龍眠筆  
頭妙



右爲峴殘照

尚孤烽櫓臨峭頂候火遠到後金微正將邊警  
報青瑣更輸佳致歸荆扉小星昏見欲明滅疎  
螢秋盡偏依稀杖藜擡首者誰子意在覓句無  
是非高孤烽櫓一作孤臺孤絕

右金陵夕烽

江豚吹浪浪花翻向夕稍稍風力迅龍驤萬斛  
何處船掛席差池作鴈陣遠遠依依看似閑終  
覺脩程祇一瞬須臾日落帆影盡水氣霏微生  
白蜃



右鴨浦歸鵬

江頭籬落天色暝烟樹微茫風露冷遙看松火  
燦星點乍近乍遠斜復整誰家貧女勤夜績有  
底閑人理苓簪別有漁燈歸極浦搖搖波浪光  
難定

右江村夜火

屋後青山重復重中有古剎藏雲松閣梨念誦  
宵不寐曉起禮佛仍鳴鍾幾隨風引遠搖曳或  
彼雨翳寒客眷幽人寂寂發深省坐想落月低  
西峯



右山寺晨鍾

鴻鴈營營為何事去寒就暖常紛紛幾行飛度  
玉關塞數聲叫破秋江雲水闊天長迷所向平  
沙落日求其群恐有傷弓流落羽月下哀鳴那  
忍聞

右長洲落鴈

平林漠漠連芳草草間遙識金陵道金陵向西  
多旅人各爭世務爭追討荷擔營營為底忙冠  
蓋翩翩有何好南來北去豈終極無限浮生此  
中老



右曠野行人

次韻上使漢江泛舟觀漁

宋太史之藩

江上和風引上客清曉肩輿出南陌笙歌擁路  
雜輪蹄兩仙住節臨苔磯濟川亭子名海國乘  
興不辭勞遠陟東山絲竹繼謝安赤壁風月追  
蘇軾亭前湛湛江水流島嶼出沒連芳洲中天  
睥睨殊未已更復移尊登彩舟高談朗詠相許  
與座上風標皆舉舉漁人揆拖棹謳歌長網橫  
江密於組衆鱗鱖跳復立沙岸漸迫波濤急  
抵為般遊助歡譁豈是婪酣快宵臆徐州禿尾



漢陰鰕取之不復論洪纖馮夷駁慄水仙怒鱣  
鮪遠遁蛟螭潛酒中樂作仍設鱠此興已覺超  
塵界但憐頃刻割素髻龍門永失風雲會歸舟  
日落浪打蓬極目烟樹何重重向來奇事易陳  
跡獨留江月當青空

君不見對酒走筆

君不見思庵朴政丞家居冷落如山僧君不見  
松江鄭相國百年行已能清直豈似寒餓困一  
生復令子孫無地耕環碧堂虛成草萊拜鵲窩  
破空蒼苔洛陽車馬何喧喧紆青拖紫皆賢才



爭將毀鄭作階梯誰肯譽朴生禍胎朱門戕戕  
臨九衢一夫顧眄千夫趨斲來寶玉山岳崩瀉  
出明珠滄海枯雖傳仍雲億萬歲金帛爛用無  
時無君不見體素李翰林半世黃卷為書淫君  
不見五山車秘書欲將詞賦凌相如文章益富  
家益貧仕路狹窄難容身生者飄零趨路傍死  
者埋沒隨埃塵男兒行世別有路莫把陳編徒  
自苦翰苑清深玉堂高其中學士多英豪花牋  
彩筆恣揮洒觀者焉能辨真假人生稱意得如  
此班揚燕許為何者為酌一杯勸少年榮悴貴



賤寧在天故知通塞皆自由以彼易此知誰賢  
不如是非都兩忘日日醉倒春風前

目前謠

白玉鬢鬣黃金鱗小雛作戲翁不嗔翁不嗔尚  
可胡為更遣鰲骨填滄津黑風倒吹血海沸海  
鳥退飛仍墜地金明丞相識天意夢登九門身  
不危峩峩宮闕天中起風生群口徒紛紛廟議  
至密誰得聞但令木貝花似雪不用社樹鬱鬱  
連青雲况復冠帶天驕子彗彼小星何足云

叢祠行



朝發板橋院南指駒城縣道傍古叢祠林木何  
葱蘢自古相傳叢有神無限路中求福人爭持  
紙錢掛枝去回向叢中共神語前途百事和且  
吉馬背不瘡蹄不脫手致金帛堆成山到處酒  
食開容顏我聽其言潛歎息此豈有靈能禍福  
偶然得名真自誣怪事祇足欺昏愚不如剪伐  
充柴薪免使篝火鳴妖狐仍栽嘉樹高十尋六  
月颯颯生寒陰縱令不合明堂用猶慰炎程暘  
死心

高判書繼改葵抗章



學士早抱青雲姿標格不群才不羈弱冠身策  
明光宮聲價一日凌烟虹玉堂詞藻公為宗星  
斗燦燦羅心膏末路浮沉聊爾耳軒冕後知倘  
來寄却將西掖演綸手閑把林泉無事酒黑龍  
之歲月建午島夷賜睽窺東土重江失險兩京  
堦玉輦遠駐西塞隅謀臣卷舌壯士泣國事已  
去誰能扶公時陸沉田野間欬然奮起思捐軀  
登壇誓衆天為悲風雲慘慘隨旌旗孤軍抗賊  
衆知難為國一死心所安雄圖未騁將星落日  
月晦蒙神鬼哭忠魂毅魄埋不得長虹夜射秋



空碧向時騰踏北闕下紛紛冠蓋為何者公侯  
將相不可紀獨使書生辦此事男兒徇國古來  
有父子三忠世無偶昔我爭名翰墨場公掌選  
試開東堂雕虫小技何足數片言許可生輝光  
百年未酬知己恩至今耿耿增惋傷公家三妙  
俱象賢擇地再起南陽阡鰲山之南佛臺麓有  
岡鬱律臨長川山靈護衛虎豹遁子孫永世宜  
千年作詩挽公公不留雪涕仰視蒼蒼天

鐵甕行送張晚節度

君不見鐵甕之城餘萬丈崇墉巨壁天下壯一



夫按劔當要衝千人蟻附不得上橫臨薩水負  
太白雄峙西方作保障古來設鎮號寧邊此意  
有在寧偶然廟堂成美未易測棄此不守非萬  
全似聞老虜頗倔強畜銳伺釁今有年至尊肝  
食勞聖躬乃命擇帥群臣中左相清鑑無失舉  
遂將虎符歸我公我公頃者領北門號令萬里  
如雷風軍中無事但投壺瀚海不波沙漠空歸  
來正見笳鼓競坐席未煖還此命男兒墮地重  
橫行百年報國心耿耿麒麟錦帶玉轡轡據鞍  
叱咤千夫趨鐵騎驕騰旌旆揚春風浩浩吹前



途嬰城效死是餘事目中久已無西胡野人白  
頭何所識巷北巷南曾偏側浮生離合固難常  
縱欲挽公那可得故作短歌歌出塞悵望關雲  
涕霑臆

### 西河歌

高麗時有西河林椿者工為四六以峭  
直見忤於世終身不第人至于今寃之  
余友西河任茂叔亦工於四六與林椿  
相頡頏屢舉不利今年春始登別試及  
第其對策中直斥戚里驕橫上命削



科其後因大臣  
列命復科

莫唱行路難聽我西河歌西河有直士前後皆  
蹉跎浮雲軒冕何足道義名百世應不磨林西  
河任西河才高命薄知奈何右來此輩何其多

忠州石效白樂天

忠州義石如琉璃千人剗出萬牛移為問移石  
向何處去作勢家神道碑神道之碑誰所銘筆  
力倔強文法奇皆言此公在世日天姿學業超  
等夷事君忠且直居家孝且慈門前絕賄賂庫  
裏無財寶言能為世法行足為人師平生進退



間無一不合宜所以垂顯刻永永無磷緇此語  
信不信他人知不知遂令忠州山上石日銷月  
鑠今無遺天生復物幸無口使石有口應有辭











10. 10. 10.

10. 10. 10.

10. 10. 10.

10. 10. 10.